



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA 12

ISIXHOSA ULWIMI LWESIBINI OLONGEZELELWEYO (SAL)

IPHEPHA LESITHATHU (P3)

NOVEMBA 2023

AMANQAKU: 80


IXESHA: liyure 2½

Olu viwo lunamaphepha asi-7.



IMIYALELO NENGACISO

1. Eli phepha linaMACANDELO AMATHATHU:



ICANDELO A:	Isincoko	(40)
ICANDELO B:	Umhlathi omde	(20)
ICANDELO C:	Umhlathi omfutshane	(20)

2. Phendula umbuzo omNYE kwiCANDELO ngaliNYE.
3. Bhala ngolwimi ohlolwa ngalo.
4. Qala icandelo ngaliNYE kwiphepha ELITSHA.
5. Yenza uyilo (umzekelo: Imephu yengqondo/isazobe/okanye idayagramu/ iflowutshati/amagama angundoqo, njalo-njalo). Hlela uze uwufunde kwakhona umsebenzi wakho. Uyilo malubhalwe PHAMBI kokubhalwa kwesincoko.
6. Wonke umsebenzi woyilo mawubhalwe ucaciswe ngolo hlobo. Uyacetyiswa ukuba ukrwele umgca onqumla kulo lonke uyilo olwenzileyo.
7. Iingcebiso malunga nolwabiwo lwexesha:
- ICANDELO A: Imizuzu engama-75
ICANDELO B: Imizuzu engama-38
ICANDELO C: Imizuzu engama-37
8. Nombola iimpindulo zakho ngokuchanekileyo ngokwendlela yokunombola esetyenziswe kwiphepha lemibuzo.
9. Nika impindulo nganye isihloko esichanekileyo.
10. Isihloko masingabalwa xa kubalwa amagama asetyenzisiweyo.
11. Bhala ngokucocokileyo nangokucacileyo.
- 

ICANDELO A: ISINCOKO

Khetha isincoko sibe siNYE kwezi zilandelayo. Bhala amagama ali-150–180. Sebenzisa imizuzu engama-75 kweli candelo.

UMBUZO 1

- 1.1 Ndafumana ibhaso ngaloo mini [40]
- 1.2 Ilizwe endifuna ukuya kulo [40]
- 1.3 Ibali endingasoze ndililibale [40]
- 1.4 Imoto endiyithandayo [40]

Khetha umfanekiso ube MNYE kule ingezantsi ubhale isincoko. Bhala inombolo yombuzo (1.5, 1.6, 1.7 OKANYE 1.8). Nika isincoko sakho isihloko esifanelekileyo.

QAPHELA: Makubekho ukuzalana okucacileyo phakathi kwesincoko nomfanekiso owukhethileyo.

1.5



[Lo mfanekiso uthathwe kwi-www.news18.com]

[40]

1.6



[Lo mfanekiso uthathwe kwi-www.welbedhtres.com]

[40]

1.7



[Lo mfanekiso uthathwe kwi-www.pinterest.com]

[40]

1.8



[Lo mfanekiso uthathwe kwi-www.pinterest.com]

[40]

AMANQAKU ECANDELO A:

40



ICANDELO B: UMHLATHI OMDE

Khetha umhlathi omde ube mNYE kule ilandelayo. Bhala amagama angama-60–80 (umxholo kuphela). Sebenzisa imizuzu engama-38 kweli candelo.

UMBUZO 2

2.1 ILETA YOBUHLOBO

Bhala ileta ubhalele umhlobo wakho opase ilayisensi yokuqhuba uvuyisane naye.

[20]

2.2 ILETA ESESIKWENI

Bhala ileta ubhalele inqununu yesikolo sakho ukhalazele ingxolo eyenziwa ngabafundi xa beselaybhrari.

[20]

2.3 INGXOXO YABABINI

Bhala ingxoxo ephakathi kukaSiya othi kulungile ukuthatha ikhefu lonyaka (*i-gap year*) emva kokupasa ibanga le-12 kunye noBen othi yena kukuzichithela ixesha ukuthatha ikhefu lonyaka (*i-gap year*).

[20]

2.4 INTETHO

Bhala intetho oza kuyenza egameni labafundi bebanga le-12 ngomhla wokuthi, 'ndlela-ntle' (*Valedictory*) esikolweni sakho.

[20]

AMANQAKU ECANDELO B: 20



ICANDELO C: UMHLATHI OMFUTSHANE

Khetha umhlathi omfutshane ube mNYE kule ilandelayo. Bhala amagama angama-40–60 (umxholo kuphela). Sebenzisa imizuzu engama-37 kweli candelo.

UMBUZO 3

3.1 IPOWUSTA

Bhala ipowusta wazise ngeTyhuta (*tutor*) encedisa abafundi kwisifundo sesiXhosa kwindawo ohlala kuyo.

[20]

3.2 UNGENISO KWIDAYARI

Bhala ungeniso kwidayari lweentsuku ezintlanu malunga namalungiselelo eemviwo zokuphela konyaka.

[20]

3.3 IMIYALELO

Umntwana wakowenu uza kuya kwitonamenti yezemidlalo.

Bhala imiyalelo emalunga nezinto amakazenze ukulungiselela le tonamenti.

[20]

AMANQAKU ECANDELO C: 20
AMANQAKU EWONKE: 80





basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA 12

ISIXHOSA ULWIMI LWESIBINI OLONGEZELELWEYO (SAL)

IPHEPHA LESITHATHU (P3)

NOVEMBA 2023

ISIKHOKELO SOKUMAKISHA

AMANQAKU: 80

Esi sikhokelo sokumakisha sinamaphepha ali-14.



Esi sikhokelo sokumakisha masisetyenziswe kunye neerubrikhi ezisukela kwiphepha le-12 ukuya kwele-14 lesikhokelo.

ICANDELO A: ISINCOKO

Imiyalelo yokumakisha

- Kulindeleke ukuba umviwa abhale ngesihloko esinye kuphela.
- Imixholo ekhankanyiweyo isisikhokelo sendlela ezinokutolikwa ngayo izihloko ngabaviwa. Imixholo abanokubhala phantsi kwayo kwisincoko ngasinye ihambelana nombuzwana ngamnye. Umviwa otolike ngendlela engabhalwanga apha ehambelanayo nesihloko makanikwe amanqaku akhe azeleyo.
- Isincoko masibe namagama ali-150–180 ubude. (Umxholo kuphela). Mawangabalwa amagama esihloko xa kubalwa amagama.
- Makangohlwaywa umviwa obhale isincoko esilolunye udidi ngaphandle kwesibalisayo/esichazayo.
- Sebenzisa irubrikhi yeCandelo A enamanqaku angama-40 ukumakisha izincoko.



UMBUZO 1

1.1


Isihloko:	Ndafumana ibhaso ngaloo mini
Imo efanelekileyo:	Intshayelelo, isiqu nesiphelo.
Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

Umxholo	Kulindeleke ukuba umviwa abalise/achaze ngoku kulandelayo: • linkcukacha/ inkcaza malunga nale mini awathi wafumana ngayo ibhaso. • Isiganeko/ okwakusenzeka ngale mini. • Ulwazi malunga nawakwenzayo okwenza ukuba afumane ibhaso. • Angabalula iimvakalelo zakhe ngale mini. • Isifundo awasifundayo ngale mini. • Unokukhankanya indlela ekwabutshintsha ngayo ubomi bakhe ukufumana kwakhe ibhaso. (Umviwa angabandakanya nezinye izinto malunga nale mini.) (Umviwa angasitolika ngokwentsingiselo yentsusa/ efihlakeleyo isihloko.)	[40]
---------	---	------

1.2

Isihloko:	Ilizwe endifuna ukuya kulo
Imo efanelekileyo:	Intshayelelo, isiqu nesiphelo.
Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

Umxholo	Kulindeleke ukuba umviwa abalise/achaze ngoku kulandelayo: • linkcukacha/inkcaza ngeli lizwe afuna ukuya kulo. • Izizathu zokuba afune/ anqwenele ukuya kulo. • Angabalula izinto azaziyo nezinomdla ngeli lizwe. • Angakhankanya abanye abantu abaziyo okanye abakhe baya kweli lizwe. • Angakhankanya amava anqwenela ukuwazuza ngokuya kweli lizwe. • Isifundo anqwenela ukusifunda kweli lizwe. • Angakhankanya umnqweno anawo ngolwazi namava aza kuwafumana kweli lizwe.	
---------	---	--

	(Umviwa angabandakanya nezinye izinto ngeli lizwe afuna ukuya kulo.) (Umviwa angasitolika ngokwentsingiselo yentsusa/ efihlakeleyo isihloko.)	[40]
---	--	-------------

1.3

Isihloko:	Ibali endingasoze ndililibale
Imo efanelekileyo:	Intshayelelo, isiqu nesiphelo.
Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

Umxholo	Kulindeleke ukuba umviwa abalise/achaze ngoku kulandelayo: • Iinkcukacha/ inkcaza ngebali angasoze alilibale. • Angathetha ngemvelaphi yalo nesizathu sokuba angabi nakulilibala. • Angathetha ngomdla wakhe kulo, nawakufunda ngalo eli bali. • Angakhankanya iimvakalelo zakhe malunga nokuqhubeka kulo. (Umviwa angasitolika ngokwentsingiselo yentsusa/ efihlakeleyo isihloko.)	[40]
---------	--	-------------

1.4

Isihloko:	Imoto endiyithandayo
Imo efanelekileyo:	Intshayelelo, isiqu nesiphelo.
Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

Umxholo	Kulindeleke ukuba umviwa abalise/achaze ngoku kulandelayo: • Anganika inkcaza ngodidi lwemoto ayithandayo. • Izizathu zokuba athande yona kunezinye iimoto. • Unokukhankanya ulwazi angaba unalo malunga nale moto. • Angavakalisa amaphupha akhe malunga nolu hlobo lwemoto. (Umviwa angabandakanya nezinye izinto malunga nale moto.) (Umviwa angasitolika ngokwentsingiselo yentsusa/ efihlakeleyo isihloko.)	[40]
---------	--	-------------

1.5 Umfanekiso.

Isihloko:	Umviwa makasinike isihloko isincoko sakhe.
Imo efanelekileyo:	Intshayelelo, isiqu nesiphelo.
Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

Umxholo	Kulindeleke ukuba umviwa abalise/achaze ngoku kulandelayo: • Inkcaza ngezityalo. • Ukubaluleka kwezityalo endalweni. • Angathetha ngesityalo njengento ephilayo nefanele ukunonelelwa. • Angabalula indima yomhlaba ekukhuliseni izityalo. • Angathetha ngezandla ezikhulisa oko zikuphetheyo. • Ukubaluleka kwento esesandleni/ oyiphathisiweyo. • Isandla ekukhuliseni ubomi bento/ umntu. • Angasitolika ngokwentsingiselo efihlakeleyo isihloko. (Umviwa angawutolika ngendlela awubona ngayo umfanekiso engeyiyo le isikhokelo siwubona ngayo kodwa ke loo mbono mayibe kumxholo womfanekiso.)	[40]
---------	---	------

1.6 Umfanekiso.

Isihloko:	Umviwa makasinike isihloko isincoko sakhe.
Imo efanelekileyo:	Intshayelelo, isiqu nesiphelo.
Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

 Umxholo	Kulindeleke ukuba umviwa abalise/achaze ngoku kulandelayo: • Inkcaza ngezilwanyana. • Angathetha ngendalo nezilwanyana zasendle gabalala. • Angabalula ukuhlalisana ngoxolo phakathi kwendalo kunye nezilwanyana zasendle. • Angakhankanya amaqwarhashe, amadama okanye imithi ngokwasendalweni. • Angabalula intlalo yezilwanyana zasendle, ezinye zidla ezinye. • Angathetha ngezilwanyana njengamaxhoba abantu. • Ubungozi bezilwanyana zasendle ebantwini. (Umviwa angawutolika ngendlela awubona ngayo umfanekiso engeyiyo le isikhokelo siwubona ngayo kodwa ke loo mbono mayibe kumxholo womfanekiso.)	[40]
--	--	-------------

1.7 Umfanekiso.

Isihloko:	Umviwa makasinike isihloko isincoko sakhe.
Imo efanelekileyo:	Intshayelelo, isiqu nesiphelo.
Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

Umxholo	Kulindeleke ukuba umviwa abalise/achaze ngoku kulandelayo: • Inkcaza ngeendlela. • Imeko yobubi beendlela eMzantsi Afrika. • Ukubaluleka kokugcinwa kweendlela zikumgangatho olungileyo. • Iingozi ezinokubangelwa ziindlela ezingekho mgangathweni. • Ukulungiswa kweendlela namathuba emisebenzi. • Anganika iingcebiso kurhulumente malunga nokugcinwa kweendlela zikumgangatho ofanelekileyo. • Angakhankanya iindidi zeendlela ezisetyenziswa ngabantu ebomini. • Angasinika ngokwentsingiselo efihlakeleyo isihloko. (Umviwa angawutolika ngendlela awubona ngayo umfanekiso engeyiyo le isikhokelo siwubona ngayo kodwa ke loo mbono mayibe kumxholo womfanekiso.)	[40]
----------------	---	-------------

1.8 Umfanekiso.

Isihloko:	Umviwa makasinike isihloko isincoko sakhe.
Imo efanelekileyo:	Intshayelelo, isiqu nesiphelo.
Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

Umxholo	Kulindeleke ukuba umviwa abalise/achaze ngoku kulandelayo: • Inkcaza ngepetroli neendidi zayo. • Angathetha ngemvelaphi yemizi-mveliso yepetroli. • Ukubaluleka kwepetroli entlalweni. • Ukunyuka kwamaxabiso epetroli nendlela oko ekuchaphazela ngayo impilo yoluntu. • Imisebenzi yepetroli emakhaya. • Angabalula ezoqoqosho gabalala nokuchatshazelwa kwazo lixabiso lepetroli. • Amathuba emisebenzi kwiindawo ezithengisa ipetroli. • Angathetha ngeshishini lokuthengisa ipetroli. (Umviwa angawutolika ngendlela awubona ngayo umfanekiso engeyiyo le isikhokelo siwubona ngayo kodwa ke loo mbono mayibe kumxholo womfanekiso.)	[40]
---------	---	------

AMANQAKU ECANDELO A: 40



IIMPAWU ZESINCOKO

Isincoko esibalisayo sibhalwa kumntu wokuqala okanye owesithathu.

- Masisebenzise ixesha eladlulayo/elidlulileyo/elimiyo.
- Masibonise ulwazi ngesihloko asikhethileyo.
- Abalinganiswa, isimo sentlalo, izizathu zokuhla kwezehlo ukuya kwisiphelo, mazibonakale.
- Iziganeko zichazwe/zibaliswe ngokulandelelana kwazo okanye zicace ezingunobangela wezinye, kungenjalo angasebenzisa izixhobo ezifana nophuphelo okanye ukuqala ngesenzo esingekeli/sokugqibela.
- Sisebenzisa amagama abonisa ixesha afana noo-emva, phambi, ngeli xesha.
- Sisebenzisa intetho yababini/ukuzithethela kwabalinganiswa.
- Ulwimi olusetyenzisiweyo malube lolokudala ifuthe noluchukumisayo kofunda isincoko, lungekrwada phofu.

Isincoko esichazayo sinokubhalwa ngokwexesha elidlulileyo okanye elangoku.

- Sichaza into/umntu/indawo/imeko, njalo njalo.
- Sisebenzisa amagama okudala umfanekiso.
- Sisebenzisa izixhobo zokuchaza ezifana nezichazi, imifanekiso-ntelekelelo, izihlomelo, neziphuhlisayo ezifana nezifanekisozwi.
- Sisebenzisa imifanekiso-ntelekelelo nezafobe zentetho.
- Sivakalisa iimvakalelo zombhali.



ICANDELO B: UMHLATHI OMDE

Imiyalelo yokumakisha

- Kulindeleke ukuba umviwa abhale ngesihloko esinye kuphela.
- Imixholo ekhankanyiweyo isisikhokelo sendlela ezinokutolikwa ngayo izihloko ngabaviwa.
Umviwa otolike ngendlela engabhalwanga apha ehambelanayo nesihloko makanikwe amanqaku akhe azeleyo.
- Umhlathi omde mawube namagama angama-60–80 ubude. (Umxholo kuphela.)
- Sebenzisa irubrikhi yeCandelo B enamanqaku angama-20 ukumakisha eli candelo.

QAPHELA:

- Zininzi iifomathi ezisemthethweni ezisetyenziswayo malunga nomhlathi ngamnye, ngoko ke abaviwa bangadlelelwa ngenxa yefomathi ekungavisiswana ngayo. Makuzanywe ukuba wonke ubani azazi ezi fomathi.

UMBUZO 2

2.1 ILETA YOBUHLOBO

- Idilesi inye yeyomntu obhala ileta.
- Isibuliso – sesifanelekileyo, ileta iya kumhlobo.
- Intshayelelo, isiqu nesiphelo mazahluke zicace.
- Ithoni nerejista mazibonakalise ukuba ubhalela umhlobo wakhe.
- Umxholo mawube malunga nokuvuyisana nomhlobo wakhe opase ilayisensi yokuqhuba.
- Kwisiphelo kubhalwa igama kuphela.
- Izingxi azisetyenziswa kwidilesi, isibuliso nesiphelo.

[20]

2.2 ILETA ESESIKWENI

- Idilesi zimbini eyomntu obhalayo nalowo ubhalelwayo.
- Isibuliso – sesisesikweni. Umzekelo, Mhlekezi obekekileyo.
- Umcimbi/umba – xa ubhalwe ngoonobumba abancinci ukrwelelwa umgca.
- Ithoni nerejista mazibonakalise ukuba ubhala ileta esesikweni.
- Umxholo mawube ngowokukhalazela ingxolo eyenziwa ngabafundi xa beselaybhrari.
- Makuvele iziphumo ezibi zale ngxolo.
- Isiphelo seseleta esesikweni – igama nefani zibhalwe ngokupheleleyo.
- Ulwimi malube lolusesikweni.

[20]

2.3

INGXOXO YABABINI



- Kwintshayeleyo makunikwe isimo sentlalo/ amagama abantu abaza kuthatha inxaxheba, umxholo wengxoxo, nendawo eqhubeka kuyo ingxoxo.
- Igama lesithethi libhalwa ekhohlo lilandelwe yikholon.
- Igama lesithethi esilandelayo kutsitywa umgca libhalwe kumgca ongezantsi.
- Umbuliso mawuqophe kungenwe engxoxweni.
- Ingxoxo mayibonakalise ukukhula kwezimvo de kufikelelwe kuvuthondaba/kwisivumelwano.
- Kwintetho-ngqo mazingafakwa iimpawu zocaphulo.
- Izalathisi zaseqongeni mazifakwe xa kukho imfuneko yazo.
- Umxholo wengxoxo mawube ngowokulunga nokungalungi kokuthatha ikhefu lonyaka (*i-gap year*).
- Ingxoxo mayiqukunjelwe ngobuchule kusetyenziswa isigama esihambelana nesiphelo.
- Isiphelo masicace gca.
- Makuvele ukwahlukana kwesibini ebesixoxa.

[20]

2.4

INTETHO

- Mabakhankanywe abantu abaza kuba bekho.
- Mayivele imo yesithethi novakalelo lwaso.
- Usuku, umhla nendawo eza kwenziwa ngayo intetho maluxelwe.
- Iingongoma ekuza kunyathelwa kuzo mazivele.
- Iinjongo zentetho mazicace.
- Umxholo mawube ngamazwi okuthi 'ndlela-ntle'ngemini ye-*Valedictory*.
- Ulwimi malube lolusesikweni, lubonise intlonipho.

[20]

AMANQAKU ECANDELO B:

20



ICANDELO C: UMHLATHI OMFUTSHANE

Imiyalelo yokumakisha

- Kulindeleke ukuba umfundi abhale ngesihloko esinye kuphela.
- Umhlathi omfutshane mawube namagama angama-40–60 ubude. (Umxholo kuphela).
- Imifanekiso nemibala esetyenzisiweyo ayinamanqaku.
- Sebenzisa irubhriki enamanqaku angama-20 ukumakisha eli candelo.

QAPHELA:

- Zininzi iifomathi ezisemthethweni ezisetyenzisiwayo malunga nomhlathi ngamnye, ngoko ke abafundi bangadlelelelwa ngenxa yefomathi ekungavisiswana ngayo. Makuzanywe ukuba wonke ubani azazi ezi fomathi.

UMBUZO 3

3.1 IPOWUSTA

- Makulandelwe ifomathi efanelekileyo.
- Okubhaliweyo kwipowusta makucace, kunike umdla.
- Mayicace ukuba ipowusta ijolise koobani.
- linkcukacha malunga nendawo namaxesha efumaneka kuyo iTyhutha yesifundo sesiXhosa mazivele.
- linkonzo ezinikezelwa yiTyhutha yesifundo sesiXhosa mazivele zonke.
- Amaxabiso mawavele.
- Konke okulindelekileyo kulo ufuna uncedo xa esiya, maluvele ololwazi

[20]

3.2 UNGENISO KWIDAYARI

- Usenokuvula ngokuyibulisa idayari.
- Ibhalwa kumntu wokuqala kusetyenziswa isakhi, u-'ndi'.
- Umhla nexesha lokubhalwa libalulekile.
- Umxholo wosuku ngalunye mawube malunga namalungiselelo eemviwo zokuphela konyaka
- Imizwa neemvakalelo mazivakaliswe.
- Umviwa uvumelekile ukuba asebenzise ulwimi olungekho sesikweni.

[20]

3.3 IMIYALELO

- Makusetyenziswe izenzi eziyalelayo ubukhulu becala.
- Injongo yemiyalelo mayicace.
- Umxholo mawube ngamalungiselelo okuya kwitonamenti.
- Ulwimi malube lolungekho sesikweni.

[20]

AMANQAKU ECANDELO C: 20
AMANQAKU EWONKE: 80

QAPHELA:

- Sebenzisa le rubriki rhoqo xa umakisha isincoko (Iphepha 2, ICANDELO A).
- Amanqaku phakathi kweli-0-40 ahlulwe ngokwamanqanaba amahlanu.
- AmaBINI okuqala kula manqanaba azizahlulo ngokomgangatho ongentla nongezantsi kwaza kwabekwa amanqaku ahambelana nale migangatho.

Ikhayitheriya		Balaseleyo	Enobuchule	Phakathi	Buthathaka	Bubhetyebhetye
UMXHOLO NOCWANGCISO		22–24	18	12–16	7–11	0–6
(Impendulo nezimvo) Ukubekela izimvo ngenjongo yokucwangcisa Ukubonakalisa ukuyazi injongo, abantu ekujoliswe kubo kunye nemeko	Umgangatho ongentla	-Impendulo ebalaseleyo enomtsalane, ngaphaya kobekulindlekile -Izimvo zihlakaniphile, zixhokoxa iingcinga kwaye zinemfezeko -Isincoko sibekelwe ngobuchule obungaqhelekanga kwaye intshayelelo, isiqu kwakunye nesiphelo zibonakalisa unamathelwano olunemfezeko	-Impendulo ixonxwe ngobugcisa obukhulu -Izimvo zinxulumene nomxholo kwaye zinika umdlu, bukho ubungqina bemfezeko kwizimvo -lingcamango zibekelwe ngokwakhelanayo kuquka intshayelelo, isiqu nesiphelo	-Impendulo iyanelisa ngokupheleleyo -Izimvo ziyanamathelana noko kwaye zingakuguqula ukucinga kofundayo -lingcamango zibekelwe ngokunamatheleneyo kuquka intshayelelo, isiqu nesiphelo	-Impendulo ingena iphuma emxholweni akukho lunamathelwano kwizimvo -Izimvo azicacanga kwaye ezinye zazo zezemboleko -Buncinci kakhulu ubungqina bobekelwe nonamathelwano lweengcamango	-Impendulo ayikho mxholweni konke konke -Izimvo zibondene azigqalanga ntweni -Azivakali izimvo kwaye ziyaphindaphindwa/ uthetha into enye -lingcamango zibekwe xazalala azinalunxibelelwano
24 AMANQAKU		19–21	17			
	Umgangatho ongezantsi	-Impendulo encamisileyo kodwa akukho zimpawu zakubalasela kubhekele phi kwisincoko -Izimvo zivuthiwe zixhokoxa iingcinga -lingcamango zibekelwe zandindaniswa ngobugcisa kuquka intshayelelo, isiqu kunye nesiphelo	-Impendulo ixonxwe ngobugcisa -Izimvo zisemxholweni kwaye zinika umdlu -Sibekelwe ngobuchule, kukho ukunamathelana kweengcamango okuquka intshayelelo, isiqu nesiphelo			

IRUBRIKI YOKUHLOLA ISINCOKO – ULWIMI LWESIBINI OLONGEZELELWEYO [40 AMANQAKU] (isaqhutywa)

Ikhayitheriya	Balaseleyo	Enobuchule	Phakathi	Buthathaka	Bubhetyebhetye
ULWIMI, ISIMBO & NOKUHLELA Ukuhambelana kwethoni, irejista, isimbo, isigama kunye nemeko Ukhetho-magama Ukusetyenziswa kolwimi nesigama limpawu zobhalo, izakhi zezivakalisi, nopelo	10–12 -Ulwimi lugqwesile nezafoke zisetyenziswe ngethoni ephumeza ukudlulisa umyalezo -Phantse kube akukho nasinye isiphene solwakhiwo zivakalisi, upelo nesokusetyenziswa kolwimi -Sixonxwe ngobugcisa obukhulu	8–9 -Ulwimi lunomtsalane kwaye luyaziphumeza iinjongo zokubhala -Ithoni ifanelekile kwaye iyaziphumeza iinjongo zokubhala -Zimbalwa iziphene zezakhi zezivakalisi kunye nopelo -Sixonxwe ngobugcisa	6–7 -Kuyanelisa ukusetyenziswa kolwimi kodwa kunamakhwiniba angephi -Ithoni ifanelekile kodwa ubambe isandla ekusebenziseni izafobe zentetho	4–5 -Ukusetyenziswa kolwimi kubonisa ububhetyebhetye -Izivakalisi zinobuthathaka-azitshintshwa-tshintshwa -Isigama siqongophele ngokubalaseleyo	0–3 -Ulwimi aluvakali -Ukunqongophala kwesigama kubaxekile kangangokuba ayinasihlahla into ebhaliweyo
12 AMANQAKU					
ISAKHIWO limpawu zetekisi Ukukhula kwemihlathi nokwakhiwa kwezivakalisi	4 -Isihloko sikhuliswe ngokuncamisayo -linkcukacha zibalasele ngokungaqhelekanga -Izivakalisi, imihlathi zakhiwe zaqiqiqiswa ngokugqwesileyo	3 -linkcukacha ezinengqiqo zikhuliswe ngokwakhelana -Izimvo zinamathelene -Izivakalisi, imihlathi zitshintshatshintshwa ngobuchule obuqiqisisiweyo	2 -linkcukacha ezisemxholweni zikhulisiwe -Izivakalisi, imihlathi zakhiwe kuhle -Isincoko sibunjwe ngengqiqo	1 -Zikho iingcamango ezamkelekileyo -Isakhiwo sezivakalisi nesemihlathi sinamakhwiniba -Isincoko sisenayo ingqiqo	0 -lingcamango ezifunekayo zinqongophele -Isakhiwo sezivakalisi nesemihlathi sigxoko-gxoko -Isincoko asinangqiqo
4 AMANQAKU					
UMMANDLA WAMANQAKU	33–40	28–30	20–25	12–17	0–9

IRUBRIKI YOKUHLOLA IMIHLATHI EMIDE NEMIFUTSHANE – ULWIMI LWESIBINI OLONGEZELELWEYO [20 AMANQAKU]

Ikhrayitheriya	Balaseleyo	Enobuchule	Phakathi	Buthathaka	Bubhetyebhetye
UMXHOLO , UCWANGCISO NEFOMATHI	10–12	8–9	6–7	4–5	0–3
Ukungqala kwempendulo nezimvo Ukuqoqwa kwezimvo ngenjongo yokucwangcisa Injongo yokubhala, abo kujoliswe kubo, iimpawu/imigaqo yetekisi, kunye nemeko	-Impendulo igqwesile ibonisa ukuqiqisiswa kwezimvo -Izimvo zihlakaniphile kwaye zivuthiwe -Luphangalele ulwazi lweempawu zolu didi lwetekisi -Umsebenzi ungqalile akukho kugqwidiza -Kubonakala ukunamathelana kwizimvo nomxholo -lingcamango zidakancwe ngobunono kwaye zonke iinkcukacha zixhasa isihloko -Ifomathi ifanelekile kwaye ichanekile	-Impendulo ibonakalisa ukuchaneka kanobom ulwazi olunzulu lweempawu zolu didi lwetekisi -Ingqalile ayiphumi nasemxholweni -Izimvo zixoxwe zadakancwa ngokunamatheleneyo kumxholo nezimvo -linkcukacha zixhasa isihloko -Ifomathi ingqalile iindawana ezikhoyo ezingachanekanga aziyiphazamisi injongo yokubhala	-Impendulo iyanelisa ibonakalisa ulwazi lweempawu zolu didi lwetekisi -Izimvo azisoloko zisemxholweni kwaye kukho nokugqwidiza -Ukunamathelana kumxholo nezimvo. Kwenzeka ngokufanelekileyo -Ezinye iinkcukacha zixhasa isihloko -Ifomathi ingqalile kodwa zikho iindawana ezingachanekanga	-Kubonakala ubunzima malunga nolwazi lweempawu zolu didi lwetekisi -Zimbalwa izimvo ezisemxholweni kodwa kuninzi ukuphuma ecaleni -Kunqabile ukunamathelana komxholo nezimvo -Zimbalwa iinkcukacha ezixhasa isihloko -Imigaqo yefomathi ephambili ityeshelwe okanye isetyenziswe ngokungaqondi	-Impendulo ibonakalisa ukunqongophala kolwazi lweempawu zolu didi lwetekisi -Intsingiselo ilahleka rhoqo kukho Intsingiselo iduke kwisakhiwo esixazalala -Akukho ukunamathelana kumxholo nezimvo -Zimbalwa kakhulu iinkcukacha ezixhasa isihloko -Imigaqo eyimfuneko yobhalo lwale tekisi ityeshelwe
ULWIMI ISIMBO SOKUBHALA NOKUHLELA	7–8	5–6	4	3	0–2
Ithoni, irejista, isimbo, injongo/ifuhe, abo kujoliswe kubo kunye nemeko Ukusetyenziswa kolwimi nemigaqo Uchongo magama limpawu zokubhala kunye nopelo	-Ithoni, irejista, isimbo, isigama zifanelene kakhulu nenjongo, abo kujoliswe kubo kunye nemeko -Izakhi zezivakalisi zisetyenziswe ngokuchanekileyo -Phantse kube akukho nasinye isiphene	-Ithoni, irejista, isimbo, nesigama sifanelene kakhulu nenjongo, abantu ekujoliswe kubo kunye nemeko -Izakhi zezivakalisi zichanekile kwaye umyalezo wakheke kakuhle -Isigama sichanekile -Ubukhulu becala azikho iimpazamo	-Ithoni, irejista, isimbo, isigama sifanelene nenjongo, abantu ekujoliswe kubo kwakunye nemeko -Izakhi zezivakalisi zibonakalisa iimposiso -Isigama siyanelisa -Iimpazamo zobhalo ezikhoyo aziyiphazamisi intsingiselo	-Ithoni, irejista, isimbo, nesigama azifanelananga nenjongo, abantu ekujoliswe kubo kunye nemeko -Izakhi zezivakalisi zineemposiso ezininzi eziphazamisa umyalezo -Sinqongophele isigama -Kukho amagingxi- gingxi kwintsingiselo	-Ithoni, irejista, isimbo, nesigama azifanelananga nenjongo, imeko kwakunye nabantu ekujoliswe kubo -Izele ziimpazamo ixazalala iyadida -Isigama asihambelani nenjongo -Intsingiselo ilahlekile kakhulu
UMMANDLA WAMANQAKU	17–20	13–15	10–11	7–8	0–5